

被下云云、而爲酬故池禪尼恩德、申有彼亞相勅勤給之上、以件家領三十四箇所、如元可爲彼家管領之旨、昨日有其沙汰、令辭之給。○中

池大納言沙汰。○中 眞清田庄。○尾張○中略 已上八條院御領。○中略

右庄園拾陸箇所注文如此、任本所之沙汰、彼家如元爲有知行勤狀如件、

壽永三年四月六日

〔賀茂注進雜記下神領〕同永壽三年○元曆四月廿四日壬辰、賀茂社領四十二ヶ所、任院廳御下文、可止

武家狼藉之由、有其沙汰云々、

下諸國、可早任院廳御下文、停止方々、狼藉備進神事用途、賀茂別雷社御領庄園事。○中略

尾張國 高島庄 玉井庄。○中略

右肆拾貳箇所神領、任院廳御下文、停止方々、狼藉武士等濫吹、如元可備進神事用途、若不恐神威、不

用院宣、慥可處重科之狀如件、以下、

壽永三年四月廿四日

正四位下源朝臣御判

〔吾妻鏡六〕文治二年閏七月廿二日癸卯、故左典厩義朝墳墓在尾張國野間庄、無人于奉訪、沒後、只荆棘

之所掩也、而此康賴任中赴其國時、寄附水田三十町、建小堂、令六口僧修不斷念佛云云、仍爲被酬件

功如此云云、

〔吾妻鏡十〕文治六年○建久十月廿五日丙午、以尾張國御家人、須細治部大夫爲基、爲案内者、到于當

國野間庄、拜故左典厩廟堂。平治有事奉葬給、于此所云云

〔吾妻鏡三十〕文曆二年○嘉禎七月七日戊辰、近江入道虛假所賜之承久宇治河先登賞、被付神社等

之間、今日有其替沙汰、被成御下文、依爲殊勳功、被載其詞、